

Estant inuité au festin les iours qu'on ne mangeoit point de viande, il gardoit son mets pour sa famille, sans y toucher; mais comme nous luy auions dit seulement qu'on ne mangeoit point de chair les iours marqués dans son papier; Luy prenant cela au pied de la lettre, sans philosopher plus auant, ne mangeoit point de chair, mais ne laissoit pas de boire du bouillon où la viande auoit cuit: Nous en estans apperceus, nous ne luy voulufmes [54] point defendre, ayans cõpassion de sa paureté; car il n'auoit le plus souvent ces iours là qu'un morceau de galette, ou un morceau de pain pour tout mets, & encor bien petit.

Il a tellement dans l'esprit d'imiter nos façons de faire, qu'il nous demanda si nous le voudrions bien recevoir parmy nous, qu'aussi bien il vouloit quitter sa femme, puis qu'elle ne pressoit point son baptême; la voix que i'ay entendüe disoit-il, m'exhorte à vous imiter, ie ne me soucie point d'estre marié, ie donneray ma petite fille aux Vrfulines, & ie demeureray avec vous; ce dessein nous fit rire: Comme il nous voit par fois retirer seuls à l'efcart, pour nous entretenir avec Dieu, il fait le mesme, se promenant tout seul, contre la coustume de sa nation, recitant son chapelet, ou ruminant quelque point de la doctrine qu'on luy a enseignée.

Un Pere de nostre Compagnie, estant descendu ce Printemps à Tadouffac, comme il s'éloignoit tous les iours des cabanes, pour se recueillir quelque temps, ce bon-homme le suiuit sans mot dire, se promenant à part sans l'interrompre: [55] Enfin le Pere s'estant apperceu qu'il portoit un pistolet sous sa robe, luy demanda ce qu'il venoit faire, & ce qu'il vouloit faire de ces armes: I'y viens, fit-il, pour faire mes prieres,